





宮門抄  
二十三日 召見慶親王 那中堂 徐中堂 唐景崇 吳郁生 徐坊  
二十四日 召見慶親王 那中堂 徐中堂 袁世凱 伊克坦 柯爾遜 王

上諭

九月二十三日 奉  
上諭 月以來各省紛擾情形各不同應詳為分別宣示天下凡主  
張政治改革者對於朝廷近雖近於要求皆發於愛  
國之熱誠激而出此朕亦有鑒於國勢之危殆  
政治之弗進業經迭降明諭將實行立憲改良政本之  
宗旨訓切布告與民更始並赦宥從前一切因犯政  
治革命嫌疑等及此次革命黨人准其改組政黨為國家之  
用至於持種族革命之說者意在離間滿漢激  
成仇讐禍變相尋必使大局糜爛而後快其私心勢不至同歸於盡不止  
實與改革政治利國利民者用意迥殊判然兩事朕一  
秉大公不計成見惟國家強盛民生康樂為念然必地方安堵而後憲政可以進  
行者任其鼓吹邪說肆意煽惑以致吾民流離轉徙死亡枕藉四民失業全國恐  
慌生計日迫於困窮禍患何所底止故不憚詳諭誡諭爾士紳軍  
民人等 共體朕心治亂之大原所有關心政治急於求效之多數人民朕方  
愛之而不敢不戒也上諭其此宗旨而有心為亂者雖屬  
少數實有害於公安即為全國之公敵  
當與吾民共擊之若其幡然改悔仍應  
悉予寬宥不咎既往至乘機作亂之各路土匪  
無宗旨專以焚殺淫掠為事尤為情法所不容  
亟宜及時痛懲以安良善各將軍都統督撫等各路統兵大員務各  
仰體朕意分門嚴密相機剿辦土匪軍民人等亦當審擇利害上  
下一心共謀政治之進步 則吾國幸甚爾士紳軍民亦幸甚  
著各省將軍都統督撫即將此旨與本月十四日諭旨一併刊刻謄送諭知之  
欽此  
上諭現在軍事未定 所有近畿各鎮及路軍隊姜桂  
題所部軍隊均著歸袁世凱節制 調遣隨時會商  
軍務大臣辦理欽此  
諭旨著派呂海寰充中國紅十字會會長 仍充兼辦慈善  
救濟會事宜欽此  
九月二十四日 內閣奉  
上諭前據袁世凱 電奏再詳內閣總理大臣該大臣現已到京本日召見復  
經面奏懇辭情詞肅切 經朕諭以大義并勉其力任艱難 該  
大臣公忠體國時局至此當亦不忍再  
辭著即開辦事務悉心籌畫保全大局用副朝廷之望欽此  
上諭自武昌事起各省紛擾 大局岌岌實為全國存亡  
所關朝廷胞與為懷不構心亟宜徵集國民意見共  
謀扶危定傾之策著各省督撫傳諭各該省紳士每省迅  
速公舉素有名望通曉政治富於經驗

足為全省代表者三五人冠期來京公  
同會議以定國是而冀民生安欽此  
上諭近日各省紛紛告警朝廷屢降諭旨以期內外相維上下一心  
共救危亡惟念當此事變紛紜之際仍恐各省紳士軍民人等未盡一  
情周知亟應派各該省名望素著人員分途安慰 以上諭而通下  
情著派張謇為江蘇宣慰使湯壽潛為浙江宣慰使  
江春霖為福建宣慰使譚延闓為湖南宣慰使  
梁鼎芬為廣東宣慰使趙炳麟為廣西宣慰使  
喬樹勳為四川宣慰使謝遠涵為江西宣慰使  
柯劭之為山東宣慰使宋教仁為山西宣慰使  
王人文為雲南宣慰使高增爵為陝西宣慰使  
迅速分赴各屬慰諭紳士布朝廷實行改革政治宗旨俾亂事早就收平四民  
各安生業朕實有厚望焉欽此

上海專電

（二十六日下午接獲）

然與漢人絕交先將各外國人一併殺戮使發生外  
國干涉之端俾漢人亦不免為外國之奴隸

軍政府之外交  
據上海來電云上海革命軍政府此次通告駐滬  
各國領事謂將所有舊政府應負義務一律由  
新軍政府承認認領事並對外人生命財產必當  
加意保護開駐滬法國領事並不預商該埠各國領事團  
即於二十三日首先答覆承認且深謝伍外務總長用  
意之周密惟至廣東一埠之交涉事宜則請仍行照舊辦理

果被推為中華民國大總統乎  
軍政府於二十三日通告各省政府軍  
現在武昌開設中央政府黎元洪被各地軍政府  
公舉充任中華民國大總統領

統一之期近矣  
上海軍政府召集各省諮議局及各軍政府代表  
在上海開臨時國會以便建設一大獨立國

薩軍殘艦全數降附  
薩督所屬艦隊十三艘已於二十三日均降附於  
革軍現擬與陸軍聯絡一氣進攻南京

南京陷落之期不遠  
二十二日晚上海軍政府將杭州甯波等處派來之革  
軍五千調往南京隨同原有革軍圍攻南京

中彈斃命之有護婦  
華人赤十字隊中有一日本婦人充看護之任彼婦頃在  
漢陣中中官軍之流彈而斃命

雲南革命紀事  
雲南革黨頃已獲勝利永昌大理均已失守各  
處官紳多逃入緬甸

革軍攻擊北軍之猛烈  
據漢口消息駐鄂北軍總攻擊之準備未成而革  
軍防備現已完密自十八日晚起開砲轟擊官軍  
陣地又有革軍決死隊突襲官軍之右翼又革軍砲隊在漢陽  
鐵工廠對岸漢水對岸之官軍猛射砲彈比至十九日

正午砲戰尤劇現在革軍又探攻勢極  
猛烈

漢口專電  
（二十六日上午接獲）

南北兩軍對峙情形  
駐守武漢革軍計三萬各處防備業已完成士氣極  
厲均願決一死戰又北軍新抵漢口者與駐守江岸  
車站之北軍相搏激戰半鐘時傷亡不下三十餘人官軍  
之一部隊現向漢水上游東亞製粉公司進北前進

北軍總司令部之却退  
北軍總司令部前在孝感縣駐紮該司令部頃恐革軍不  
時襲擊特退至蕭家港車站

於此足徵革軍團結力之厚  
袁項城前在孝感時意欲離間革黨與軍隊之  
聯絡並希冀其或起內訌詎革軍團結為強固反  
以推袁為中國第一次之大總領相耶揄

煙臺專電  
（二十六日上午接獲）

公推艦長為軍司令官  
停泊烟台之砲艦武實號降附革軍艦長王君由革  
軍公推充為該埠司令官並聞福山縣亦為革軍之  
所佔領

美艦抵煙  
美艦一隻於二十四日下午四鐘時抵埠停泊  
（二十六日下午接獲）

香港專電  
（二十六日下午接獲）

粵軍恐未易底定  
匪軍一萬五千現由各地向廣東進發 英國軍隊  
為保護外僑起見即時被撤離前往廣東地方

漳泉陷落近報  
漳州泉州等處均為革軍之所佔領漳道何成浩  
逃至廈門軍軍毀壞官署封鎖商舖 美國巡洋艦一  
艘英國驅逐艦及砲艦各一艘均抵廈門

廣東獨立之紀念  
二十三日僑居香港之華商等祝賀廣東共  
和國之成立 以是日為紀念各商舖均懸新國旗並停  
止辦公一日  
（二十六日上午接獲）

九十二開  
茶仙天  
白外門北小在設開  
早  
今  
辰  
下  
燈  
馬  
六  
歲  
紅  
白  
金  
宮  
康  
興  
盛  
鳴  
楊  
俊  
峰  
七  
星  
本館近開諸傳有本報名譽又因各  
送報內自將報號幾日一送或有常  
不送情弊以致取惠未報諸君倘有







神戶海岸通三丁目  
後藤勝造本店

[illegible]